



Berna n'accepta betg la matura bilingua grischuna

■ (rtr) **Ins saja pertscharts da la situaziun speciala dals linguatgs el Grischun, di Patricia Crameri dal Secretariat dal stadi per la furmaziun, reuschertga ed innovaziun.** Quai na midia dentant nagut vi dal fatg ch'era las scolas medias grischunas stoppian ademplier las cundiziuns che la Cumissiun svizra da maturitad pretendia per la matura bilingua. Excepciuns na dettia numnadamain naginas.

Sulettamain tar las scolas svizras en l'exteriur vegnia la situaziun valetada da cas tar cas. Ina matura bilingua chantunala, ch'il Grischun ponderechia ussa d'introducir, na po tenor

Crameri betg remplazzar la matura bilingua federala.

Attests gea – reconuschientscha na Naturalmain possia il chantun agiuntar al certificat da matura in attest che conferma che la studenta u il student haja frequentà ina scolaziun bilingua. Quels na sajan dentant betg reconuschids sin nivel federal.

Schebain ch'ils detagls da la schliaziun chattada a la maisa radunda n'èn anc betg enconuscents è gia oz cler ch'ina matura bilingua chantunala vegn ad avair grev da chattar sustegn e reconuschientscha tar ils gremis federals.